



補學軒詩集卷二

鴉吟集二 壬寅至乙巳

原上邨

人行原上邨馬赴路間井殘雲拂斜陽前山忽無影篠簌風
蕭蕭飢鷹摩其頂獨立不禁寒落葉一聲永
日影落馬頭霜氣上牛背牧童草中來驅策各成隊極浦兩
鳧飛遙邨一犬吠何處起孤煙山腰正如帶

田園遊眺偶成

亭皋一葉下邨落暮寒生落日到鴉背流雲帶雁聲閒招荷
笠客偶作傍山行秋色散平楚蕭蕭各自驚

補學軒詩集卷二

一 采菽堂

越客走千里楚山看兩年迴身又黃落滿目尙蒼然松翠洒
飛雨磬聲流夕煙舊遊若春夢振觸嫩涼天
寒雞啼不住暝色忽然來林楚幾重合柴門一半開自爲南
郭子言翦北山萊對此亦良悞幽尋未忍回

踏葉客竟去投林鳥亂飛楓霜不到地蘿月忽生衣山路分
青靄人家隔翠微流泉亦清咽相送釣魚磯

秋日述懷答客

禁城客散繞爐煙陋巷人耕負郭田朝市山林皆偶爾文章
事業兩茫然讀書未過三千卷閱世俄經四十年回首不禁
重太息秋風秋雨正纏綿

科第場中偶合羣星辰班次亦充員書生拱手持丹筆曹吏



回頭望白雲一笑躬親南畝稼六年人蓄北山文豈知垂翼
飛來後鴛鴦相呼更不聞

潘郎奉母負平生王粲從軍又改盟荷芰製衣閒作客芙蓉
入幕笑談兵幾人歌得陽春曲千里愁爲江夏行赤壁烏林
憑弔徧歸來依舊事躬耕

夕陽修竹戀吾廬春雨人家忘帝都元結棄官稱浪士王符
著論號潛夫小紅解唱閒教曲大白頰浮自執壺寄語故交
俱努力書燈官燭總非孤

輓外舅劉怡園先生

禮樂無端忽改容龍蛇告夢果爲凶槐林一紀遷花縣瓠葉
三章送瞽宗眾口共謀徵士誅私心兼慟丈人峰象雲裹處
燕雲在惆悵西風馬鬣封

補學軒詩集卷二

二

采菽堂

弟詩兄筆各爭春風味如公分外真夢裏吟哦常脫口人間
波浪不妨身科名二謝鄉先輩詞賦三張此後塵今日回頭
都莫見夕陽紅處自傷神

教兒課士兩無妨游宦平生未出鄉千里從師多弟子一行
作更有文章早知誤策滕公馬悔不常牽博士羊俯仰前塵
尤太息黃陵舟次九迴腸

先生昨買漢陽舟賤子閒居江上樓鶴駕有情過壻水鳧飛
無路望皇州十旬忽返燕臺骨九辨重增楚客愁故里乍歸
新家起徘徊洒淚白楊秋

寄懷伍實生先生

先生高臥返林邱中春別於小子閒居憶石頭亭上琵琶猶夢別

江陽江頭山中松桂忽驚秋一身輕後霜侵髮萬卷開時月滿樓

想見雨花臺畔望江聲帆影日悠悠

治書燭換讀書燈投老尋詩或遠凭科第一門栽玉樹風流
六代照金陵名山有數都經眼春夢無多且曲肱聞說看花
矜晚節岫前如許采雲蒸

綠野堂開獨樂園買山可許置前軒人思暮歲來丹闕

帝命全家住白門松菊猶存元亮井姓名何必謝公墩望空
搔首還私慰春去常畱滿室温

觀察臺中久學文諸侯幕下又參軍十年人老郎官宿三徑
春寒隱士雲坐向山頭望廷尉空令昆脚笑司勛思量孤負

補學軒詩集卷二

三 采菽堂

深知感刻篆雕蟲強自云

五君詠

李孝廉秋航

李郎俗外人苦受俗中累努力作奇句能令萬夫避天庫囚
酒星身世兩相棄搔首問青天造化一何戲

俞孝廉小石

孝廉故公子抑鬱臥林下藏書羅四壁飲酒盡三雅慷慨爲
我言知交蓋云寡西笑望長安猶記善歌者

嚴大令墨莊

嚴生諸侯客涉獵諸儒書談笑每絕倒勤苦常晏如春風一
以到草木欣有餘投筆作大令眉次反不舒

况比部兩人

比部玉堂客忽作粉署郎軟紅騎瘦馬花萼春風香俸錢了
酒債醉臥書城旁尺面無寸髭自云四十強

曾編修芷潭

曾子如老鶴長身立秋水翩翩大瘦生見者笑而起抱冰臥
冰暑時時思故里化鶴竟歸來零落雲間紙

山齋夜坐

鄰比無人語西軒見微月竹木影交加空中忽飛葉霜痕望
虛生蟲聲坐來歇苔蘚積寒翠蒼然欲浮鞮回首對東窓殘
燈淡將滅就床不掩門流螢度簾隙

讀孟山人詩

補學軒詩集卷二

四

采菽堂

西登峴山亭南望香爐峰江湖作楚客蹤跡尋孟公山水領
清音悠然萬緣空涼雨入深竹初月生長松想見千載人幅
巾寫秋容掩卷坐幽窓空山歇殘鐘

象州古蹟雜咏

吾州山有象山聖塘山鷺鷥巖水有濮泉鳳凰井
古蹟則有瑤光樓扶疎堂皆採入一統志散見前
人書非比俗標八景備品目也而鳳凰井在城東
鷺鷥巖在城南今已不能指其處扶疎堂本謝氏
宅志云竹木甚盛士夫南遷者館之題咏甚多今

其子孫無存籍貫莫定前人詩亦未有考不知顏
垣斷瓦安歸也可識者惟象山聖塘山濮泉瑤光

樓而已近時宦斯土者多不暇及而生斯土者又
勿深考更百年後雖有好事者亦惟付之一嘆耳
因就所可見者各賦一篇聊志其概詩不足道也

象山

觀象傳陸績此地非無臺燧象傳林邑此物亦有材可笑象
山名翻爲象雲埋趙牛與魯馬怪幻何有哉妄言且妄見兩
後羣羊來

聖塘山

我家聖塘山未睹聖塘水朝爽洗素秋目極三十里神魚無
凡鱗仙花有奇蕊夢想四十年攀條負樵子謝客蠟木屐准
備去前齒

補學軒詩集卷二

五 采菽堂

濮泉

溫泉世習見沸井吾未嘗頻頻過荒村繫馬叢祠旁青氎息
陰火白氣浮陽光空山夕陽下松徑何蒼蒼荒野非華清負
此蓮花湯

瑤光樓

好月欲東來餘霞忽西上高樓面諸峯語笑亦流響捲簾收
夕霏拄笏待朝爽隔江來殘雲玩弄不盈掌擡頭摘瑤光耿
耿正垂象

秋末獨酌

林迴午煙孤山平夕陽慢幽人恣閒賞曛曩景方晏近樹換
歸鴉遙雲接來雁邨郭靜無人樵斧響空澗把酒就疎籬欣

然一花綻

補學軒歌

奇木異石一事無東堂西室三丈餘竹几精設藤床粗橫排
糾插千卷書主人伏案方呬唔客子打背相擲揄白袍破矣
青衫枯把卷挾策何求歟作官不縮千石符歸田不執三尺
鉏咬文嚼字胡爲乎主人笑請客子居魚目正沸烹茶爐隱
囊坐席布四隅投筆拋卷時一吁我生本是咕畢儒漂泊故
業遊江湖秉燭才啓扎壁厨索米已曳西曹裾燕趙齊魯荆
揚徐萬里誤跨博士驢十年常別先人廬門巷相望憐妻孥
竭來勸作田舍奴荒園舊圃幸不蕪殘篇斷簡聊相於鼠腹
難容惠子車後時貪補前時愚主人小語真煩紆客子大笑

補學軒詩集卷二

六

采菽堂

爲軒渠煙海難滿河易淤未審所補將奚如前有萬古風吹
噓後有百世雲模糊泛然求益太覺誣精衛填海蟻駕輿金
閨解事進玉壺客子自悔夫非夫主人亦悟吾忘吾平生小
事多糊塗案上共逐食字魚

寄懷王學博竹一

緗械縹帙照緇林冷署多才耐苦吟後世幾人真好古先生
一坐占當今春風曾艤江干棹夜雨如聽海上琴正是相思
不相見漢南惆悵說題襟

當時曾訪黃山谷講德幸逢王子淵

丁酉曾至仙城訪同年黃蓮查踪跡並

交文學椽瀟湘重話孝廉船仙城執手無三日師坐回頭又

五年料得清神清更健書燈官燭共畱連

箋經注史與修文末學猶思附此君石鼓桐魚非強合林泉
朝市恰平分夢中路尙迷張敏身後人難恃子雲各有編摩
互參訂蕭齋遙望寄香芸

遙題五詠堂兼和梁中丞芷隣之作

並引

吾鄉獨秀山下舊有讀書巖志以爲顏光祿作太
守時詠五君處也攷宋史本傳稱光祿于少帝時
爲始安太守時有二始之戲至元嘉年間爲永嘉
太守乃有五君之詠則以屬始安者誤也中丞梁
公蒞任慕光祿之遺風沿舊志之紀載建五詠堂
於其下並刊涪翁所書五君詠於石壁首倡二律
紀之獻甫得其詩因遙和其意而并志所見於篇

補學軒詩集卷二

七

采菽堂

前人已逐五君去此地猶看五詠畱西晉七賢辭熱客南天

一柱壓炎州如今又見榕溪老

中丞 州人

懷古重生桂海秋孟

簡題名山谷字元嘉應邈此風流

玉簪羅帶甲天下雁宕天臺豈有加萬里少通高士屐千金
空飾梵王家但令故蹟畱光祿何必新詩屬永嘉此日落成
同志喜滿山黃霧桂初花

早發

遙山隱初日近郭積寒霧幽人貪早發匹馬此中去溟濛少
行人恍惚非故路襟袂自清潤不爲草頭露叱牛知有田啼
鳥若無樹短童逐馬後按轡屢迴顧空山打晨鐘隱隱不知
處

柳江

柳江不種柳其上正多竹蠹者龍入雲偃者蛇赴谷荒徑無
主人隱約見茅屋我舟泊其間開卷尙未讀鬚眉故自蒼文
字一何綠夕陽下空山徘徊自留目舟子前致詞先生食無
肉江靜希夜漁欲投何處宿自顧難成仙相對且醫俗不如
竟繫纜笑吸盃中淥無肉我不饑有竹我不溽更泊水中吐
頽然聽戛玉更闌發幽光鬼火粲如燭

龍江以上灘聲石色迥異常畦率成數韻紀之

四山插墮簪一水繞飛練林莽時密疎天光遞隱見青煙壓
篷背白日冷壁面風雨忽然作水石怒相戰夾岸百蟲噤中
流一槎顛饑鷹下崩崖磔磔掠吾緯對酒挹浮嵐清極不能

補學軒詩集卷二

八

采菽堂

燕

君山浮洞庭孤山峙彭蠡銀盤湧鈿螺亂石一卷耳何人負
藏山此路忽墜水其高等百尋其廣約半里燕尾分更合鰲
身行且止危峯四面來平地築高壘小舟載孤客曲曲磨旋

蟻

白龍萬丈飛青峽幾時擘懸空掛水簾到處徧游客清冷日
色寒澎湃雷聲赫乍覺水過顙豈知山破額大小亂拋珠縱
橫斜裂帛凜然見老漁孤坐對寒碧東坡罵徐凝惡詩怕題
壁

急流作雲奔怪石擬星列路橫方臥罷橋斷更浮鼈小舟如
小魚輾轉走其缺立者鹿角犄互者犬牙齧慄慄對長年出

穴復入穴巔江過百里渾河經九折平生負奇游陋哉不足說

柳州別李秋航舟次却寄

十年不見龍城柳干盃想煞雞檳酒舊遊無恙舊人多風雨
打門隨處走就中誰有文字緣相見爲解衣冠纏蒼髯白髮
吐豪氣炯炯雙眼青於前空齋爲我具洗沐新藁與君同往
復夜闌被酒各高眠幸無人笑先生腹廚中供客烹赤鯉門
下乞書攤素紙可憐兩手鈍如槌春蚓秋蛇塗不已出門一
笑不掉頭筆床茶竈隨行舟夢中不覺龍水遠雲外尙見鷺
山浮銅斗高歌從此去鐵城小住知何處夕陽獨立向空江
野鶴閒鷗坐相語

補學軒詩集卷二

九

采菽堂

初至宜州城有作示吳栗軒同年

吳生丹竈火飄零當世專祠路杳冥仙子貴人俱不見天門
畱得兩峯青

平川若線三义去怪石如林四面環莫笑南行頻北望孤城
隱背半名山

城西一帶荒如野流水半灣清過橋鵝鴨不來鷗鷺下水花
風葉晚蕭蕭

范滂佳傳依然在山谷遺碑不可求斷瓦頽垣零落盡月光
猶自照南樓

故鄉未到總茫然孤客羈居頗自憐苦勸攜家甘割宅道南
低首拜同年

宜州遣興八首

凍蜂死故紙蠹魚薨殘書閉戶稱老生其名已大愚放眼看
人寰抱膝歸吾廬杜陵臥布衣誰敢云非夫閒愁歷歲月遠
夢搖江湖兔園守冊子一笑將奚如

閒居負青山旅食消白日窮愁易著書此事未可必足跡天
下半心懷客中一於我何有哉朝夕且簪筆蒼黃收鬧市生
白滿虛室行眺時出城萬景凌空出

吳山一萬重楚水幾千里邱壑羅胸襟磊落頗自喜十年歸
故鄉一變出新壘石湖志桂海約略舉凡耳東家負聖人北
海覓高士平生噉空名得失半如此

城小雲難開山高日易暮涼痕掠游氣雜罩望中樹雜聲來

補學軒詩集卷二

十

宋菽堂

荒村馬影立古渡林暝生遠風江明見微露閒行愜幽賞每
拾眼前句歎乃一漁舟濛濛截江去

背郭萬山中面江一峯小纖月度細岑蒼茫映飛鳥鵲巢延
白光鷗夢墮青香清磬林外希游絲葦間裊歸塗初上燈次
第出叢篠悄然坐懷人夜柝數聲遠

讀書幕宦遊歸田怕官樣見客請東帶此風久不尙盃盤時
招尋文史恣跌宕城小如斗大獨行忘所向看山或窓中聽
雨亦枕上朋來一粲然惟見茶煙颺

釋卷忽不樂出門欲何之拖笠訪今雨客意將奚爲偶從古
人游言拜大史祠荒郊送春目所得良不貲故交此旣少尙
友理亦宜當門兩好鳥啼上青松枝

路遠思浮家城孤念遊客妙有同年生借箸爲畫策招我城西門示我道南宅東坡攜朝雲請乞四立壁離離雲外樹浩浩水中石回首望故山一慰相思夕

謁黃山谷祠

區革高歌蔣漳哭宜州乃有黃山谷我生獨後七百年今來惟見三間屋雨餘戴笠訪空祠榴火初紅槐正綠墨池流水鳴稻田臥螭一石何卷然打門急讀三尺碣跛脚或用半段磚其上繪圖下作記嘉定筆精猶可識祠屋書堂本一區紛紜邑乘真多事循牆繞砌更升堂帽山排闥來中央都人先此作生日燭花隱隱畱餘香先三日六月叶風前坐想俞通守宋宜州通守名若著寄公相待如賓友館舍方成薪爨來樂煞應門

補學軒詩集卷二

土

采菽堂

老馬走

先生詩已戒應門老馬走客來問字莫載酒

恨不身乘問字車桃李樹厠

芝蘭芽去家相與作鄉夢一團共嗅免絲花

先生詩覺來去家三百里一團

免絲花氣香

遠水如環石如練魂魄至今當戀戀殘碑斷簡了無

存南樓空想范滂傳

先生於南樓書范滂傳已亡

蘇門之客半吾鄉橫州

秦子宜州黃前人不幸後人幸萬里爲破南天荒詩家自是

江西祖殮盤那厭江瑤柱丈夫見客女出門作譬未公吾不

取恰畱片語問涪翁此間高第馮公先生在西渠在東

馮當世祠已不存

一存一毀胡不同先生不言我不聰退倚北窓睡

松風

先生句

雨聲忽到天門峯

遊南山寺二十二韻

問路不十里面城來一山古寺散幽磬時度青葱間新秋離

故鄉人事日以問好友作主人相攜翠微灣曉露徑邨郭初
日明闐闐青林隱赤壁氣象不可攀笑踏石路磴輕叩山門
鑲貧衲愛遊屐陟降未覺艱好鳥時一至孤雲相與還古洞
啓深渺帝漿鳴潺湲陰風何處來慄慄各在顏石柱大腰腹
木佛高髻鬢山外鶴久放洞中龍亦跼緣崖讀斷碑隱約皆
可刪傳聞眞宗跡遠自宋代頒精靈竊御寶苔蘚空畱珣清
淨恣幽賞瞻眺破老慳羣山夕陽下匝匝四面環僧廚進儒
餐菩薩笑我頑自尋來徑歸村戶一半關燈光炯滅沒壁色
餘爛漏掉頭望絕頂月上蛾眉彎

題德勝講院

孤城大如斗小坡偃如瓌書堂起東麓屏嶂森左界我來甫

補學軒詩集卷二

七

采菽堂

及秋日夕見萬態重門四扇開文筆一峯對橋袖如寒星磊
落繞屋掛櫻欄如長人鬚髻負牆拜曉霞明屋角朝爽落瓦
背偃仰不多時此意眞可畫問字或雜談校書如馬隊行矣
尙眷然回首一而再

村郭二三里衣冠數十族山重水復間書聲出深竹人言德
勝酒色奪洞庭綠瓶甌走四方我意了無欲頗聞諸洞天僻
處眾山麓倥偬負兩屐此意實未足名公清獻遊逐客魯直
伏聲名寄此邦惜哉不畱躅風清月白時望古偶寓目作詩
題講肆請始鄭小谷

壽山看奇石

有樹不著土有水不導源有臺不築基有壁不安門誰萃域

中妙置此原上村福地題壽山斑駁兩字存縱橫臥奇石磊
砢當前軒峙者道守罷偃者梁架竈降者澗飲鹿登者樹抱
猿雄者壯士踊拘者餓隸蹲奇疆到漑宅醒酒衛公園顛人
拜怪石陋哉安足論間陟綠蘿磴縱覽蒼烟根何當作孤亭
玩弄如兒孫

七月二十二日同人陟屏風山憩元真寺

城外非無山遠望但見樹樹中亦有屋橫行不知路適來好
事友各挾遊山具曲折循螺旋高低隨鶴步綠林翳紅日隱
約不敢露最上得梵宇闌干自回互人從壁上觀鳥向屏間
度洞穴何嵌空深曠若無處洗盃酌寒淥慘淡日將暮枯榕
如蛇盤怪石作虎怒參差見萬瓦陟降恃雙屨歸路試回頭
鐘聲閣深霧

補學軒詩集卷二

三

宋菽堂

遊袁家洞訪洗劍亭午後登山閣小飲

筆山之頭如筆公屏山之面如屏風掉頭回面更探腹洞然
直入茲山中門前清白後深黑窺之正似蒼龍宮篝燈籠燭
作采入幽踪靈跡疑旁通或如炎官張火織或如仙廩堆禾
稷或如龍蟠走窟穴或如鼇抃撐穹窿仰看茄井俯苔徑耳
目恍恍心冲冲神斤鬼斧不到處物象無乃勞天工火光忽
滅月忽漏遠近兩竅如升東旁門小徑得來路蝙蝠抉起時
排空更從山足陟山頂寺門豁啓依巖櫳偶然一雨媚遊眺

頓覺七月增和融馳馬不攜解牛試壁間佳句誰磨礪壁有題張

廣居洗劍亭二律有句云匣藏豈復構馳馬剛發終當試解牛回首老將定獠獠歸來解甲

眠崆峒洗劍亭前磨劍水腥涎尙帶干將銅書生說劍等兒
戲且復澆酒酬英雄前人去盡後人至洞天石室常濛濛

城外小飲至暮歸講院

客子欲歸鳥欲栖亂峯深處夕陽低山橋一帶小村托水碓
數聲高岸西鬼火擁青離古塚星光飛白過寒谿秋宵未必
啼春鳥辛苦前行滑滑泥

自德勝歸宜州道中作

短驛長亭認舊蹊
柳聲鏹影滿煙畦
節當白露猶如夏路夾
青山盡向西
松柏涼閒人飲馬
薜蘿深處婦呼雞
熱雲不斷知蒸雨
苦竹蕭蕭一鳥啼

江上晚眺偶成

補學軒詩集卷二

丙

采菽堂

崩崖絕壑迴環包
浮嵐餘霧時相交
空灘受月顛魚鼈老樹
來風危鳥巢其上
不容一寸土
當中欲翦三重茅
冷香偏處自馨逸
詩就且趨雲光抄

六月二十四日得驟雨頗解炎口占長律紀之

雷鼓撞鐘聲不止
官人請雨召巫鬼
大巫舞罷小巫歌
汗雨多如稻田水
禱祝告龍龍不理
幣帛請龍龍不起
天公大怒喚雷公
轟然執火燒其尾
勉強空作應酬汛
洒數聲而已矣
梧桐院落芭蕉窓
涼意蕭蕭聊洗耳
人皆銜怨我銜恩
贏得一場春睡美

觀伎人舞刀戲

閒庭廣院風蕭颺
鳴鉦擊鼓聲嗷嘈
解衣辮髮拊兩尻
伎人

跳出來舞刀刀聲鏗兩手中拍刀勢翩然目前擲兩手在下
目在高雨覆雲翻兼電激一刀左出雀避羅一刀右出魚躍
波兩刀未落一刀起非經非緯爭拋梭旁人驚視默不語伎
人笑說遽如許局外游言局內鷹舉刀更散梨花雨有時故
學美人粧且梳且梳雲鬢旁有時突作壯士怒乍刺乍刺風
枝舞刀光似有千萬口伎人只有一雙手刀忘其手手忘刀
神鬼都疑未曾有一手支出一足拳足所不給承以肩由肩
而口更入手空中但見迴風旋人步未停刀勿止莊劍僚丸
兒戲耳收鋒斂鐔寂無言三瓣芙蓉插秋水公孫大娘也不
惡杜陵老子今不作安得我筆如雨刀瀏灑爲爾傳其略

義馬行

補學軒詩集卷二

五

采菽堂

有客閒談義馬事勸我爲作義馬行生能衛主死殺寇海波
萬里揚其名我意未了容且云誰其乘者陳將軍房星早歲
下天育湖南曾立平蠻勳海夷不意擾鮫市將軍含笑騎獅
子沙蟲化盡猿鶴驚桃花牽入紅毛鬼萬馬噤聲一馬嘶不
飲不齧亦不馳皮乾骨裂未敢死此革知畏何人尸海夷別
召犧牲者柔心漸覺爲人下蠻奴失喜報夷酋短衣來試房
公馬鼻端如火耳如風行地不着翻行空豫讓劍只伏橋下
張良椎不來沙中絕嶂崩崖突千丈蒼黃落葉聽無響破碎
如泥想亦甘馬骨人尸同一壤海氛正苦頻年惡鼉怖鯨喙
相間作火牛無計助田單燧象何曾爲宗慤不見馬狀知馬
心論讚不到皆精神雄姿如爾尙數輩頃刻直洗炎州塵有

骨當教燕市寶有肉當教秦士飽爾餘尚可激壯夫爾志何堪委秋草天閑落日望長楸生馬何多死何少

五月二十五日謁山谷祠張飲餞甯明府藍峯時有懷集之任在坐者朱雲屏幕府明緝堂同年盧雅絲學博與余共五人

青山障西城白日走南陸張琴引微薰彈出離鸞曲言餞甯武子共謁黃山谷是時炎夏令涼雨過深竹杭稻十畝田薜荔三間屋薔薇一樹紅芭蕉兩株綠芒鞋步苔階笑吸空庭淅緜懷北宋人孤憤南樓宿蠻煙瘴雨間文星炳如燭范滂碑已亡蔣滄誼猶篤樞明槐暗時生日敬先卜雖無聽雨心且快送雲目左右挾弓矢僮僕清不俗明亮抱清才朱家撐俠骨前盧擅詩筒後鄭愧書簾盃盤迭賓主酬酢淡相屬螭石臥不飛龍水起而伏踏月歸去來蟬聲散喬木

夏夜獨坐偶成

雲山閉戶都忘我風雨連宵忽起予薊北榜花新貴馬江東米價故人書身無羽翼慚飛鳥案有文章飽蠹魚偏是游思消不得鄉園丹荔近何如

落花飛絮化浮萍感老頻年不感春未必詩文傳後世聊因魚鳥悟前身頭銜盡換畱山主眼界重新見古人頗覺林泉勝朝市西風休障庾公塵

江城一面山如故羈客三年興不孤深淺量愁東海水清涼招夢北風圖門前莫問來何客度內真憐落此奴賴有曉人

邀賞去西郊荷芰似西湖

清簟疎簾掩冷齋扶疎繞屋正
恢台梅花弄裏將愁去荷葉
光中送老來綠淨匝商消夏
法紅稀猶戀餞春孟蜂狂蝶
嬾俱無賴蟬語剛吟一樹槐

苦雨排悶偶成

不聞鶻語但聞鴉孤客深居
感物華悶把一盃浮竹葉閒
吟五月落梅花雲山對面無
高屐海水驚心有露車課雨
占晴君莫笑幽人生小是農
家

少年游宦行千里中歲歸耕
負一瓢煙篆半簾人讀畫蟲
聲四壁客談宵荒亭老馬愁
長路深巷寒雞夢早朝荷蓋
欲殘榆莢盡窓前翻悔種芭
蕉

補學軒詩集卷二

七

采菽堂

茶煙輕颺草堂幽鎮日垂簾
聽亂流高柳寒蟬噪過夏落
花飛燕冷於秋田園夢斷此
鄉樹簫管聲沉何處樓簔袂
笠簷無恙在江干真欲買漁
舟

茂陵高臥欣無恙茅屋長吟
亦自閒天意艱難爲白晝人
心清淨叩元關庭非絕俗都
生草雲豈鳴高却戀山二頃
荒田三畝宅溟濛常想翠微
間

登翠屏山偶賦

萬山當面遙升庭一山隱背
橫張屏衙齋仰臥見餘髻印
床琴薦生奇青初冬我作芝
城游襪被正宿茲山幽鴉鬢
闔戶若窺客蠟屐拾級疑登
樓蒙茸草徑犖确路迎人幾
本桃榔樹左旋右折造當中
襟上浮嵐濃着露榕根攬石
龍爪張藤

杖撐空蛇尾長但知石氣不知土風枝雨葉垂蒼蒼眼前忽
飛一疋練方塘半畝當山縣憑高萬瓦數魚鱗水光直射游
人面回身更指蒼崖巔舉手可弄青林煙半雲亭子不可見
天梯石棧空鈎連主人世襲百里侯屏山臥治如枕頭客兒
屐齒倘重到請君爲我先除道

遊黃竹巖偶成三首

策馬出青林搜巖得黃竹洞前廠若堂洞後深如屋神工掇
鬼斧製作頗駭目秀者花下垂奇者菌旁突臥者龍欲踰立
者象疑蹠潤氣雜清痕寒香都入骨仄身且嶮行觸首或蝟
伏村氓作導師一路爭秉燭

淺如房啓峰深如谷盤蛇通如磨旋蟻塞如廬結蝸輾轉眾
竅間脚手工爬沙縋幽靈運屐鑿空張鸞查混沌一旦死骨

補亭軒詩集卷二

六

采菽堂

格森交加石樓險難梯石鼓低易過山面透山背一線天光
斜驚顧各相視銀海疑生花

燭明不覺午燭暗乃如夢咳唾忽有聲空中答者眾旁門接
小徑坐困迷香洞雉竄得新塗螺旋仍舊闕誰知仇池穴此
迎更彼送石柱此間撐石田何處弄喜見出自穴方覺入於
甕一笑下山門野色趁飛鞞

夜讀李長吉歌詩

石破天驚女媧死星辰迸落天潢水人間換骨作王孫天上
回頭少才子一仙歸去一仙至白晝羣鷺見新鬼撐腸拄腹
半紅雪咳唾俄看散成綺翩然被髮仗神劍手掣虹蜺截其

尾淚落銅人故殿青血飛鐵騎邊牆紫有時傅粉作新樣面
熟嫦娥呼作姊青冥何處有興築細柳扶桑漂木梯帝恐斯
文太放紛故教鬼伯相料理蒼黃召作上梁文地上人悲天
上喜緋衣老父騎赤虬青衣小兒跨赤鯉通眉宛若織瓜卷
別來二十七年矣筆如風起墨如浪濡染青天一張紙疑虛
殿上拜郎官昌谷山前夢阿瓊天河低後月波傾萬丈光芒
兒戲耳

春初柳坡道中

春色浩無垠春心淡有痕雲程幾百里風信兩三番榕葉積
孤驛桃花明遠村軟輿馱夢去不覺又黃昏

城西晚眺

補學軒詩集卷二

九

采菽堂

微雨初晴怯倚樓故人相約作閒遊茶蘼架外春將老楊柳
城邊水自流閱世那能齊物論著書當續畔牢愁無端又是
逢寒食榆火槐煙望陌頭

清明道中有作

笠簷簑袂出城東白榭紅亭落眼中春色三分隨去馬鄉心
一半付來鴻野人門掩梨花月客子裝輕麥浪風槐火石泉
如舊耳夢回得句憶髯翁

九十春光正可憐一雙燕子掠輿前縱橫新水白浮地高下
數峯青插天江面落花來戲鴨城頭牽線放飛鳶頻年好景
孤寒食獨對東風轉慨然

山驛危行山路斜雞聲何處有人家清明時節黃梅雨昏暗

村莊白芨花谿澗雲深低度馬陂池水漲遠聞蛙客愁相慰
惟田父土銼新煙喚煮茶

短輿歇後小舟行萍梗生涯任送迎波浪不驚知白鷺獻歌
無賴是黃鶯窓前山色尋詩路枕畔泉聲作客情遙望象臺
雲起處淺紅深綠護春城

舟夜

放棹中流去殘燈兩岸然白沙虛受月蒼壁鬱生煙夜鵲明
櫓外村雞落枕邊蕩搖聲不定睡味轉綿綿

夏日雜感

竹几藤床住幾年水光山色兩悠然清涼世界荷池雨濃淡
人情草閣煙榕葉滿庭雙去蝶槐花孤驛一聲蟬故園此日

補學軒詩集卷二

二

采菽堂

催秧馬夢到青青麥浪邊

孤城將暮亂飛鴉客舍開簾數落花濃翠宜山來扎郭輭紅
香土記東華浮沉人海鷗無事漂泊天涯燕有家難得晚晴
相慰藉高樓千里夕陽斜

拔半齒

口齒二十六較眾最爲劣行年四十五其一忽中裂外排宜
良輔內掉碍饒舌平生多失言此報亦中節無奈當食時正
居最要缺譬如折臂翁軍行強就列同體自乖離分班相凹
凸逢強必生釁遇弱必行竊避實似謙恭納虛愈瑣屑酒中
或投箸理此不解結任操左右兵不中要害穴剗中須曲鈎
張口費摩切向上宜倒戟翻于細疏决遂令堅白談時出元

黃血或教大毒手快意去餘孽彼己巨靈孽吾將長鯨掣枝
分雖漸疏根固尙難絕頻施口內箝不拔土中榻忍此乍經
年忽轉將斷碣半土旣攘除全軍盡欣悅隊中或疎防陣外
仍巧綴論古勿齟齬評文莫齟齬庶幾保編貝此後完如鐵
忻城署後伴雲亭

一亭起山坳雨堵借石壁蒼藤如青虬排聳作簷額西北眺
諸峯蕭然滿秋色鑿空更尋幽餘光漏巖隙嵌空覺胸穿坼
裂驚掌擘仰窺一線天蘿薜互如羃攜來躡月梯佐以踏雲
屐棕欄生其巔細若三尺策林扃樵子斧葉覆幽人跡風景
何寮寮登下殊厯厯市遠人語囂雲深鳥聲寂小憩再憑闌
斜日淡將夕塘鏡照人面廚煙明屋脊山容鬱不開破笑擬

補學軒詩集卷二

三 采菽堂

吹笛遙攬黃竹嵐近枕翠屏石主人頗好事裝點有餘力曲
徑已通幽危崖欲開塞商量出好景題榜倩閒客後約樽前
盟昔遊夢中憶除道待重來茲言果不食

余題翠屏山有客
兒屐齒尙重到請

君爲我先
除道之句

織錦女

我爲芝城客未見織錦女涼風過深巷機聲無定所淒淒青
女秋脈脈黃姑渚碧玉本小家鳴機正當戶織手弄輕梭細
心安密縷幼輿方病齒作達恐投杼平視了無嫌不慙亦不
怒頓挫雙足勞顧盼兩眉嫵日無一尺強况乃三丈許温香
覆鄂君珍重拜羊祜但知熱客豪那知寒女苦一問偶一答
媚若自相語家足越溪絲系本延陵緒歸來唱吳娘瀟瀟暮

方雨

九日宴集偶感

同人開宴逢他席異地閒居近故鄉客裏光陰經五稔尊前
風雨又重陽一囊自竊侏儒粟萬事相看傀儡場試向宜山
高處望雲林無際晚蒼蒼

九辨新辭愛楚騷幾回下筆怯題糕丹楓烏柏秋將老綠酒
紅燈興尙豪漢主歌聲南渡雁晉人風味左持螯眾賓未去
先生醉臥看西牆月影高

書玉臺新咏後

杜詩韓筆橫行後濃思清才擯不收東海一編餘綺麗南朝
三體自風流詞人誤合冬郎集文運平分太子樓研匣筆床
相對處燈花無賴亦生愁

補學軒詩集卷二

三

宋菽堂

漢魏雜言非復古齊梁叶律更翻新人間窈窕藏金雀天上
菁華付石麟揚掘西江三尺浪馳驅北地二分塵粗才雜出
仙才少願乞刀圭救病身

客中秋感三首

功名久息幽人想山水方供過客遊瓦背雨聲黃葉寺檣牙
風色白蘋舟清涼佳境多乘夜慷慨悲歌易感秋醒便高吟
醉高臥不知何處得閒愁

人語雞聲聽未央紙窓竹屋忽生光三更地白烏頭月萬里
天青雁背霜蟋蟀西堂悲宋玉芙蓉南國老徐娘情長氣短
知多少靜嗅籬邊野菊香

蕭然自笑可憐生
眼底誰留不朽名
官燭書燈娛冷客
寺鐘衙鼓伴孤城
梧桐雨過秋無影
河漢雲流夜有聲
獨坐空齋獨長嘯
何人同領此時情

鳧溪石翁百壽詩

羲和頓轡忽東首
雲漢爲章看南斗
斗下何來一老人
自言生是無懷民
鳧溪其字石其姓
累世爲農居大井
蒲衣箬笠朱顏酡
醉餘自唱耕田歌
不知養生主何說
不識參同契何訣
公然色作凍面梨
我輩子佩還有妻
鶴籌無算那得數
鳩杖有聲還自拄
精神上射老人星
天門啓處天鼓鳴
聞闔晨開綠章奏醴酬
夜浥黃封受朱提
粲粲天上來赤錦
駁駁雲中裁百歲期
頤兩偕老姓名終
覺天題好如綸如
綉上界宣

補學軒詩集卷二

三

采菽堂

沐日沐月中堂懸百壽之圖
七品爵瓊鐘懶跨雙飛鶴
天雷一老作者英何必兩美相合
并木公未休金母息長年獨注
東王籍青春白日去堂堂麗眉
皓首何蒼蒼翁家三世我兩世
習見眞仙了無異年來合建百
歲坊春深正進千秋觴我於末
坐先奏曲長篇詩當長生籙人
生七十本少期杜陵老子說古
稀甲子四百亦常事絳縣老人
誇亥字亦仙亦佛非渺茫說無
說有徒荒唐九老皆少一老長
唐朝先有李元爽我生不負雙
青瞳里中兩見百歲翁一居象
臺一宜水風流終讓石處士
謂宜山盤翁鳳金翁年不獨傲羣
仙我目亦欲輕前賢早眠晏食
請執筆從頭再記三萬六千日

辛丑自楚返爲伍實生師傳書至粵中主伍紫垣家

初相識索余少作鴻爪集抄本相賞旋以兵興匆匆
告別未及歸次年則已刊爲三卷冠以一序并板寄
至矣紫垣故豪士又雅人其所代雕文字殆不勝計
然施之此一集不太濫乎且慚且感爲拈二律志之
少年遣興偶雕蟲豪客多情索寄笛方恐瓊鐘如舞鶴忽聞
踪跡印飛鴻書如欲賣慚劉緹拙不能藏笑魏公六代文章
一篇序汗顏披誦不勝紅

殘篇久積二分塵朽木重雕一色新元相過存前少作陽休
疑混古賢人風行有幾徒充棟葉落無多或代薪好事頗憐
豪舉者黃金虛擲費精神

癸卯冬日晤李秋航時得官秦中

補學軒詩集卷二

十四

采菽堂

芙蓉關下歸新吏楊柳城邊訪故人白雪滿頭如去日青山
分手話來春葛洪棄事甘留粵張祿更名竟入秦灞水橋頭
驢子背相尋妨我苦吟身

李新更
名炳南

答李子山

康成祖帳方回里李賀投詩忽起子寒雨半帆當去路春風
千里問來書翩翹逸性雲飛鶴活潑文心水養魚臨別贈言
無別語夜窓吟諷意何如

得李秋航秦中書却寄

虎頭燕領覓封侯漢時秦城作壯游萬里又添兒女累一官
猶滯帝王州蒹葭秋水新詩卷楊柳春風故國樓今日數行
遙寄我不言相慰只言愁

黃河水照白頭顱客爲游秦悔作儒渭扎樹中春縹緲終南山
畔雪糝糊宦場上下真騎虎人海浮沉且戲鳧猶勝翩然
歸去者勞生依舊走江湖

春日言懷四首

柳絲春盡鬢絲秋觸撥閒情不自由風勢有時回六鷁水波
無際泛雙鷗宦場進退邱靈鞠鄉里馳驅馬少游正欲書懷
書不得樵歌漁唱一相酬

楊雄未作逐貧賦柳子空爲乞巧文旅食蹉跎銷白日時名
慚愧附青雲心香一瓣我私祝風氣百年人自分暫止高歌
試高望鴛鴦天上別成羣

蕭散閒身著作才海帆羗自半途迴河南別業無金谷江左
補學軒詩集卷二

五

采菽堂

風流有玉臺丁卯集刊人未老戊辰瓜種燕初來濃華銷盡
思平淡水碧山丹對舉盃

眼底逢人多後輩懷間作惡是中年琴棋性拙如和靖兒女
情多累茂先旅邸但求來夢法歌場時用賣文錢雲山萬疊
書千卷寂寞相看更自憐

宜州懷古

讀罷韓碑又柳碑古來詞客半居夷誰知七里宜州郭猶有
三間太史祠東漢黨人懷孟博南樓老子憶元規瓣香此日
無餘韻一路荒山長兔絲

慈母同稱治獄年無人不識使君賢單車白馬如陳眾隻鶴
孤琴繼樂天北宋亭臺空落日南山林壑自清泉題輿恨少

題名處憑弔荒城一愴然

一代多才赴舉場三元佳話愛馮郎沂公先汝占高第庾信
隨人說故鄉天末相山猶秀削城東祠廟久荒涼聯翩後起
傳衣鉢邑里何爲屬武昌

丹霞巖上丹瑕子故老爭傳葬此間五馬渡江春浩蕩九龍
移洞水潺湲玉棺難覓王喬墓石室空開鬼谷山熊軾鹿輪
知幾許風流終羨列仙班

昭君

琵琶猶是殿前聲環珮飄然馬上行青塚枉教埋絕塞紅顏
何事作長城雲臺高議喙叟敬雪窖餘魂弔子卿夜月春風
如舊否杜陵懷古不勝情

補學軒詩集卷二

三

采菽堂

文君

鴛鴦錦水有前因鸚鵡雕籠誤此身西日蘼蕪山下路東風
琴瑟鬢邊春蛾眉能識題橋客犢鼻甘爲滌器人爭奈文園
正高臥玉釵羅袖又相親

讀樊川集偶感書後

昆脚皆頭我亦同佚才奇氣獨爲雄談兵細注標孫子謀國
名言上衛公樛杜幾家簾幙雨楊州一夢酒旗風惟餘底事
堪相繼禪榻茶煙默坐中

遊丹霞巖小憩九龍洞訪宋太守張丹霞兩詩石刻

皆漉漫不可辨

昔者三賢祠不列丹霞名誰知九龍山反爲丹霞生仙人豈

葬骨俗士多吠聲心知所言妄洞壑聊經行數畝厯陌頭一
洞豁山腹籠來潭水清龍去潭水濁宋人題石壁大書萬雲
谷炬火造其中煙漲碍游目龍井寒無波龍田淨無禾社公
及社母禱祀久已訛深沉下無底出洞如出窩野花蔓奇石
好鳥鳴高柯洞門兩殘碣德漫等沒字張公兩截句刊刻竟
何地游人逐俗談文士抄故記信耳不信目名蹟等閒棄行
客坐興歎山神前致詞子見固太少子生亦太遲自宋元明
來石泐時有之何不自作古鐫此磨崖碑神似非謾言我奈
無好句林疎村益孤烟重城疑暮上馬謝山靈蕭蕭此間去
客思苦翻新山容只如故

遊古城洞讀宋人鐵城記鐵城頌馬上漫賦長句

補學軒詩集卷二

毛

采菽堂

一篇空把鐵城頌三年不識古城洞剩水殘山寶祐間烟霞
長鎖幽人闕城東策馬渡城北馬頭濃壓萬山色邪行三里
造其隅近者如郭遠者郭燕南趙北豈此地中間那得平如
礪子陽笑作井底蛙李愿好逐盤中蛇突橫兩峯立積鐵東
壁不開西壁裂頽垣斷堵憶雲公蒼皇備寇居其中右刊頌
文左刊記蛟蜃擎空不可掣披榛剔蘚讀且尋石氣沁人遊
人心紫霞洞府今在否文昌香火俱無有何人爲刻內傳碑
俗工拙筆兩不奇年題寶祐姓楊氏宋人之作乃如是兩碑
旣已拔其豪一碑何必吹其毛入穴不深出穴早馬蹄亂踏
斜陽道鞭絲迴首指崖巔女牆無數生蒼煙

爲程太守西山先生題椿萱並茂雙壽圖

太守示我雙壽圖披圖想見全家樂靈椿鬱鬱竹娟娟兩處垂青蔭高閣稱身苧衫足草屨端坐一翁何矍鑠未容堂上拜紀羣且向圖中瞻李郭是時十月未蕭索芳蘭庭院菊籬落荷廳細掃燕寢清相與焚香看畫諾自言前人校士場細書徧列才人作丹黃朱墨不到處璀璨雲藍餘一角江東獨秀共推袁天上頻來兼贊朔笙簧箏笛各自妙慙愧隘筇和雙鶴頻年兩進養堂爵鰓生屢聽鈞天樂銀章青綬舞斑衣蠻鄉踏遍陽春脚忠臣孝子祝千秋金母木公輸一着今日重添最後籌桂窟萱堂照蓮幕敢將福祿頌鴛鴦聊助歡欣喧鳥雀

程西山太守代刊補學軒制藝賦此志感

補學軒詩集卷二

采菽堂

文字生涯笑拙鳩江湖浪跡付輕鷗三年自分臨邛客千古相期卽墨侯大守齊人潤色問誰知敬禮流傳從此誤陽休撫心慚甚捫心感耿耿寒燈照案頭

和凝小集刊游藝皇甫高名序練都百草世無醫俗藥萬言今有論癡符貌媼未敢重開鏡積好翻愁不買珠刻篆雕蟲憑眾論楊雄早自悔非夫

千金做帚已前塵一瓣心香証夙因孝穆不爲臧拙客劉邕終似嗜痂人灾梨禍棗眞無謂流水高山別有神論盛文書薦衡表風懷重憶古名臣

苦海箱中搜舊稿甘棠舍側蒸香芸人誇張趙視裁事我借韓蘇代校文鼓吹待開炎海霧流行眞托泰山雲陶元沐素

從今始恐負先生賞鑒殷

太守奉諱回里春二月塗中詒書至慶并易序文索
寄訂稿口占一律志之

素履乘春返聖廬相思何處最愁予故巢又到前年燕新水
重遺遠道魚案上文章催付梓塗中風雨夢攀輿桃花柳絮
都如舊知己回思把袂初

題馬山佛靈寺

一山如奔馬勃然踠其足一巖如扁螺洞然剗其肉一樓如
飛翬翼然掩其腹我赴宜州城正涉此山麓扶筇試攀葛陟
降略寓目游客行且顧居人止之宿遂着謝公屐重叩梵王
屋訪落初罷宴檀施尙量粟時維秋九月秀氣隱石骨傾崖

補學軒詩集卷二

无

采菽堂

戀側日影落杯中淥去烏沒遙岑來烟擁孤木石罅過流星
耿如佛前燭晚飡香積飯風味本不溽况於怖鴿堂許置寒
蛩褥中庭月溶溶下界雞喔喔身從初地閑物到諸天肅翠
竹間黃花清淨雨不辱嬾學坐忘禪請補臥遊錄前我者有
人吾其繼高足前我者無人吾其唱巴曲讀書劣記名寓公
鄭小谷

夜宿寺中不寐枕上偶成近體二首

探奇不畏細路難孤秀嫌無高閣看龍水扎流青嶂合馬山
南望白雲閒誰將五丁鑿混沌更向半壁施欄杆主人好事
客姑住夕照相攜上石壇

樓閣憑虛境却真雲林如昨氣偏新公然見佛到初地縱不

如仙豈俗人十里好山頰極目一回幽夢怕翻身鐘魚粥鼓
無聲處坐對元關浩浩塵

問梅太守移權慶陽春暮喜晤有感

元和元祐有詩流龍水龍城各領州今日忽驚兼兩美古人
真不占千秋匡牀徹席閒看奕密雨驚風憶倚樓想見荷花
廳上客薇紅柏翠總忘愁

江湖有客不辭勞傀儡登場強自豪此地琴樽依北海當年
冠蓋接西曹故人甘隱扶風帳使者行持屬國旄梓里回頭
望卿月團圓分照一輪高

敬題來雙鶴堂紀事

壽萱堂上斑衣着甘棠舍側烏聲樂鸞笙歇後鳳簫吹天半

補學軒詩集卷二

三

采菽堂

俄來一雙鶴若遠若近但繞閣且卻且前疑晉爵大者其母
小者子去來三日宜州郭瘴雨蠻煙笑此邦高人肯插紅塵
脚雲霄千里忽傳書賓客滿堂驚人幕我聞梁氏庾太守鶴
爲娛親降寥廓又聞宋時林處士鶴爲嗣子安林壑祥符幸
與古人同故事何妨自公作題榜高懸太守堂大書細字標
其略月維三月日十日雪羽霜毛照春酌風緊如聞北嚮鴻
月明誤認南飛鵲白公趙叟本賢主伴以孤琴非寂寞蒼苔
可履石可啄鶴言歸兮吾與約鶴籌添後鶴子生年年來獻
長生藥

題陳瓊花鴨小軸

敗荷筆擅邊鸞妙花鴨詩如老杜工忽憶吳淞亭畔見荻芽

蘆絮戲鳧翁

荇藻交流若有聲鴛鴦對沐亦多情能言不但呼名者相愛
相親字少卿

鴨兒羽溼紅袞裹鴨母船輕綠水搖一種閒情誰領會露花
風葉晚蕭蕭

補學軒詩集卷二

三

采菽堂

